



度支恩遇日記題辭

古者事使交盡君曰禮臣曰忠
禮者元首所為明而忠者股肱
所為良也故君眷臣愈隆臣感
君愈至即有形跡微嫌君或不
無致疑於臣譬之大造亭毒雷

動風撓俄而天清日霽則亦委
諸適然之數而已矣天高地厚
之戴曷敢忘也臣嚴賦性恬退
雅意丘壑自司李雲間以及公
藩河東每投牒乞休輒以不遠
所請為恨屬天步多艱非臣子
優遊田里之時值

熹廟初承乏津門堯計亩都而林
臯是即之念未嘗一日釋諸懷
也無何權璫痛禍戕虐忠良乃
決意解組抗疏歸田謬蒙

聖明獎以嫠節當是時也構泉石

以為友與花木而結盟麋鹿之
性自分沒齒山林已矣不意
聖主龍飛南北推轂起吁莽中授
度支任再疏控籲未蒙棄擲用
是供億軍興籌畫生節承
召對侍

經筵

天郊地社日朝月夕

宗廟之享祀

社稷之祈禱

孔廟之釋奠或分獻或遣代或陪
祭無不駿奔從事其間

天威咫尺，悚惕靡寧。且也宮保游

加廕，資稠疊。上章乞骸，而

眷注彌殷。數經會推，而

留用益切。塵露何裨，於海山

日月委照。於葵藿厥後，雖以誥誤

賈戾折足，覆餗然風霆無竟日

之怒未幾

賜生還矣。復官職矣。叨叙資矣。是

聖主之湛恩渥惠。即去國後猶有

加無已也。里屋多暇，迴視度支

一役數年間

聖朝蓄錫恩光，焜耀歷歷，可數因

輯而授之梓上紀

朝廷知遇之隆下表臣子高厚之
戴昭茲未許以誌不忘嗟乎郎
古明良相遇何多讓烏臣老矣
狗馬有心惟矢與世之子孫無
忘報塞已耳

崇禎十有一年歲次戊寅孟夏
朔日太子太保戶部尚書臣畢
自嚴謹識

司徒恩遇日紀一卷

太子太保戶部尚書臣畢自嚴恭紀

崇禎元年五月二十六日吏部會題為缺官
事奉

聖旨畢自嚴起戶部尚書欽此兩疏控辭不允隨

於八月十一日抵京謝恩十三日到任訖

八月二十四日秋分遣官祭夜明於

夕月壇陪祀

九月初二日遣官祭歷代帝王陪祀頒

昨

九月十四日 召對詢問宣大軍餉臣自嚴

恭對訖 賜茶并果餅

十月初一日孟冬恭遇

聖駕時享

太廟陪祀頒昨

十月初二日 召對臣自嚴請發 帑金接

濟關寧恭對訖 賜茶

十月十一日 召對詢問新舊二餉臣自嚴

恭對訖 賜茶

十一月初六日 召對詢問錢千秋關節事

臣自嚴恭對訖 賜茶

十一月十四日 召對詢問會推京營總督

勲臣 賜茶

十一月十九日臣自嚴三年考滿吏部引奏

二十一日奉

聖旨准復職次日謝 恩訖

十一月二十六日冬至令節恭遇

聖駕親祀

天於園丘大九卿等共

賜甜食手盒一副陪祀

頌昨

十一月二十七日早行

慶賀冬至禮先期習儀

十一月二十九日在自嚴考滿事竣 欽遣

御前答應牌子內監王忠 頒賜原封寶鈔二千

貫羊一隻酒十瓶次日報名 廷謝仍具疏

謝恩奉

旨下部訖

十二月二十四日

聖誕行

慶賀禮先期習儀

十二月三十日歲暮恭遇

聖駕親行大禘禮於

太廟陪祀頌昨

崇禎二年正月初一日元旦行

慶賀禮先期習儀

正月初七日孟春恭遇

聖駕時享

太廟陪祀頒胙

正月二十日恭遇

聖駕臨雍先該禮部題請分獻大臣奉

聖旨著點了的八員分獻欽此內戶部尚書畢自

嚴有點是日分獻 文廟東五哲禮完

欽賜羊一隻酒十瓶又是日

聖駕幸學其陪祀文官三品以上武官都督以上

及翰林院學士俱侍坐聽講

正月二十八日 召對 賜茶

正月二十九日吏部題為考滿事奉

聖旨畢自嚴著加太子少保仍管戶部尚書事欽

此其疏控辭不允即謝 恩到任訖

二月初一日 遣官祭 先師孔子陪祀頒

胙

二月初二日恭遇

聖駕親祭 社稷壇陪祀

二月初四日恭遇

皇子誕生 欽賜臣自嚴銀花一枝紅段一疋

初六日行

慶賀禮復蒙 欽賜臣自嚴銀花一枝紅段一疋

隨具疏陳謝訖

二月十二日侍

經筵禮成 賜宴於 午門前

二月二十八日春分 遣官祭 大明於

朝日壇陪祀

三月初七日 遣官祭 歷代帝王陪祀頒

昨

三月二十六日 召對詢問兵餉事宜臣自

嚴等恭對訖 賜茶

四月初一日孟夏恭遇

聖駕時享

太廟陪祀頒昨

四月初二日禮部題請祈禱奉

聖旨祈禱遣官 社稷尚書畢自嚴欽遵於本月

初四日卯時行禮祈禱具疏復
命收回祭設又疏謝 恩訖

四月二十五日禮部題再行祈禱奉

聖旨祭告大臣著原遣各官欽遵於閏四月初一
日寅時行禮祈禱具疏復 命收回祭設又

疏謝 恩訖

閏四月十七日

召對 賜茶

閏四月十八日禮部以雨澤霏足題奉

聖旨祭謝

社稷壇禮完具疏復

命收回祭設

具疏謝

恩訖

五月初二日夏至恭遇

聖駕大祀

地於方澤大九卿等共

賜甜食手

盒二副陪祀頒胙

六月初九日禮部題請祈禱奉

聖旨祈禱遣官

社稷尚書畢自嚴欽遵於本月

十一日行禮祈禱具疏復 命收回祭設又

疏謝 恩訖

六月初十日

召對

賜茶

六月十九日禮部以雨澤霑足題奉
聖旨祭謝 社稷壇禮完具疏復 命收回祭設
又疏謝 恩訖

六月下旬

聖體違和九卿同科道問安

上召輔臣至朝見於 乾清宮門隨 賜輔臣及

九卿科道為首官各燒割一分酒四瓶

七月初一日孟秋恭遇

聖駕時享

太廟子時行禮陪祀頒胙

七月二十一日 召對 頒賜果品

八月初五日秋分 遣官祭 夜明於 夕

月壇陪祀

八月初五日 遣官祭 先師孔子陪祀頒

胙

八月初六日恭遇

聖駕親祭 社稷壇陪祀

八月十二日侍

經筵禮成 賜宴於 午門前

八月十九日 遣官祭 歷代帝王陪祀 頒
昨

八月二十二日恭遇

熹宗愍皇帝二周年大祥二十一日 遣官詣

太廟行祭告禮二十二日奉安 神主於

太廟陪祀

十月初一日孟冬恭遇

聖駕時享

太廟陪祀 頒昨

十一月初四日 召對詢問虜倣軍情臣自

嚴恭對訖

十一月初七日子時 遣官大祀

天於圜立是日以虜倣戒嚴不與陪祀

十一月二十八日 召對詢問給發援兵料

草臣自嚴恭對訖

十二月二十四日

聖誕免朝賀先期習儀

十二月二十九日歲暮行大禘禮於
太廟是日

聖駕不出遣官代行陪祀頒昨

崇禎三年正月初一日元旦免朝賀仍先期
習儀

正月初八日孟春時享 太廟是日

聖駕不出遣官代行

二月初七日 遣官祭 先師孔子陪祀頒

昨

二月初八日恭遇

聖駕親祭 社稷壇陪祀

二月初十日辰時冊立

東宮 敕賜臣自嚴銀花二枝紅段一疋恭領訖

二月十一日春分 遣官祭 大明於 朝

日壇

二月十二日侍

經筵禮成 賜宴於 午門前

四月初一日孟夏恭遇

聖駕時享

太廟陪祀頒胙

四月初六日

遣官朱純臣等祈禱雨澤奉

聖諭朕當齋居文華百官齋居公署欽此欽遵訖

五月十二日夏至

遣官大祀

地於方澤

陪祀頒胙

六月內禮部題奉

聖旨祈禱雨澤

社稷尚書畢自嚴欽遵於二十

四日行禮祈禱具疏復

命收回祭設又疏

謝恩訖

七月初一日孟秋恭遇

聖駕時享

太廟陪祀頒胙

七月初五日禮部以雨澤霑足題奉

聖旨祭謝社稷壇禮完具疏復命收回祭設

又疏謝恩訖

七月十六日該兵部題為恢復四城等事奉

聖旨畢自嚴加太子太保賞銀二十兩紵絲二表

裡欽此兩疏控辭未蒙

欽允隨經報名 廷謝視事訖

八月初一日恭遇

聖駕親祭 社稷壇陪祀

八月初十日 遣官祭 先師孔子陪祀頌

昨

八月十二日侍

經筵禮成 賜宴於 午門前

八月十五日秋分 遣官祭 夜明於 夕

月壇陪祀

八月十六日 召對 賜茶

十月初一日孟冬恭遇

聖駕時享

太廟陪祀頌昨

十一月十一日進

神宗實錄行

慶賀禮總裁纂修官 賜宴禮部該禮部題請合

用待宴官員奉

聖旨是待宴著候陳光裕尚書王永光畢自嚴李
騰芳梁廷棟曹珍左都御史閔洪學侍郎涂
國鼎欽此於本月二十六日待宴訖
十一月十八日冬至遣官大祀
天於圜丘是日以瘞嗽不與

十一月十八日早行

慶賀冬至禮先期習儀

十二月二十四日

聖誕行

慶賀禮先期習儀

十二月三十日歲暮恭遇

聖駕親行大禘禮於

太廟陪祀頒胙

崇禎四年正月初一日元旦行

慶賀禮先期習儀

正月初八日孟春恭遇

聖駕時享

太廟陪祀頒胙

正月二十二日 召對朝覲方面官員時臣
自嚴請 旨不允尚未謝 恩仍恭候於
文華門外

正月初三日 遣官祭 先師孔子陪祀頒
昨

正月初四日恭遇

聖駕親祭 社稷壇陪祀

二月十二日侍

經筵禮成 賜宴於 午門前

二月二十一日春分卯時恭遇

聖駕親詣東郊致祭 大明於 朝日壇大九卿

等共 賜甜食手盒二副陪祀訖

二月二十七日 遣官祭 歷代帝王陪祀

三月十五日 廷試讀卷東閣每日於 午

門前 賜宴三次遇晚宿禮部公署至十七

日在 文華殿讀卷是日拆號填名十八日

傳臚禮完

四月初三日欽奉

聖諭祈禱雨澤 遣官祭告自初七日辰時為始
致齋宿於公署

五月初一日辰時恭遇

聖駕步禱南郊謹隨班前導往迴成禮訖

五月二十三日夏至 遣官大祀 地於圜

立陪祀頒胙

七月初一日孟秋恭遇

聖駕時享

太廟陪祀頒胙

八月初六日

遣官祭

先師孔子陪祀頒

胙

八月初七日恭遇

聖駕親祭 社稷壇陪祀

八月十二日侍

經筵禮成 賜宴於 午門前

八月二十日祭京都太倉之神先該太常寺

具題奉

聖旨遣尚書錢春行禮續該本官以奉差未完具

聖諭祈禱雨澤 遣官祭告自初七日辰時為始
致齋宿於公署

五月初一日辰時恭遇

聖駕步禱南郊謹隨班前導往迴成禮訖

五月二十三日夏至 遣官大祀 地於園

立陪祀頒胙

七月初一日孟秋恭遇

聖駕時享

太廟陪祀頒胙

八月初六日 遣官祭 先師孔子陪祀頒

胙

八月初七日恭遇

聖駕親祭 社稷壇陪祀

八月十二日侍

經筵禮成 賜宴於 午門前

八月二十日祭京都太倉之神先該太常寺

具題奉

聖旨遣尚書錢春行禮續該本官以奉差未完具

題復奉

聖旨改遣尚書畢自嚴行禮是日欽遵詣太倉行

祭禮完具疏復 命訖

八月二十六日秋分酉時恭遇

聖駕親詣西郊祭 夜明於 夕月壇陪祀

九月初三日 遣官祭 歷代帝王陪祀頒

胙

十月初一日孟冬恭遇

聖王駕時享

太廟陪祀頒胙

十一月二十四日 召對詢問新舊兵餉事

宜庄自嚴恭對訖 賜茶

十一月三十日 遣公朱純臣大祀

天於園丘奉 旨著候陳光裕伯劉天錫尚書閱

洪學畢自嚴分獻欽遵行禮訖頒胙

閏十一月初一日早行

慶賀冬至禮先期習儀

十二月二十四日

聖誕行

慶賀禮先期習儀

十二月三十日歲暮恭遇

聖駕親行大禘禮於

太廟陪祀頌昨

崇禎五年正月初一日元旦行

慶賀禮先期習儀

正月初六日孟春恭遇

聖駕時享

太廟陪祀頌昨

二月初五日 遣官祭 先師孔子陪祀頌

昨

二月初六日恭遇

聖駕親祭 社稷壇陪祀

二月初九日工部尚書曹珍等題為

陵工遵

旨旨竣等事奉

聖旨畢自嚴賞銀二十兩紵絲二表裡欽遵祇領

訖

二月十二日侍

經筵禮成 賜宴於 午門前

二月十三日 遣官祭 大明於 朝日壇

陪祀

二月二十四日 遣官祭 歷代帝王陪祀

頒胙

三月十六日禮部題奉

聖旨祈禱雨澤自三月十九日寅時為始 遣公

朱純臣等祭告

四月初一日孟夏恭遇

聖駕時享

太廟陪祀頒胙

四月初五日光祿寺題奉

聖旨 欽賜文武百官於 午門前喫麥餅

五月初四日夏至 遣官大祭 地於方澤

陪祀頒胙

六月十三日禮部奉

聖旨祈晴自本日卯時為始致齋

七月初一日孟秋恭遇

聖駕時享

太廟陪祀頒胙

八月初二日

遣官祭

先師孔子陪祀頒

胙

八月初三日恭遇

聖駕親祭

社稷壇陪祀

八月初八日秋分

遣官祭

夜明於夕

月壇陪祀

八月十二日侍

經筵禮成

賜宴於

午門前

八月二十九日

遣官祭

歷代帝王陪祀

頒胙

九月初九日重陽節光祿寺題奉

聖旨

欽賜文武百官於

午門前

喫花糕

九月霜降後例應

朝審刑部題請日期奉

聖旨著於九月十三日行續該刑部題請

欽定主筆大臣奉

聖旨著尚書畢自嚴主筆欽遵於十三十四兩日
朝審具疏回奏訖

十一月初十日冬至子時 遣官大祀

天於圜丘陪祀

十一月十一日早行

慶賀冬至禮先期習儀

十二月二十四日

聖誕行

慶賀禮先期習儀

十二月二十七日立春節先祿寺題奉

聖旨 欽賜文武百官於午門前喫春餅

十二月二十九日恭遇

聖駕親行大禘禮於

太廟陪祀頌昨

崇禎六年正月初一日元旦行

慶賀禮先期習儀

正月初八日孟春恭遇

聖駕時享

太廟陪祀頒祚

二月初五日

遣官祭

先師孔子陪祀頒

祚

二月初六日恭遇

聖駕親祭

社稷壇培祀

二月初八日

召對詰責副都主志道上疏

事情

賜茶

二月十二日值

經筵期臣自嚴以請

告不與仍

賜宴領訖

二月十三日春分

遣官祭

大明於朝

日壇請

告不與

二月二十四日

遣官祭

歷代帝王請

告不與

司徒恩遇日記一卷終

司徒恩遇日記二卷

太子太保戶部尚書臣畢自嚴恭紀

崇禎元年六月十九日

奏為驚聞

綸命自揣難勝懇祈

聖明俯容辭免以安愚公以重邦計事本月二十

九日奉

聖旨畢自嚴起戶部尚書欽此

八月初三日

奏為遵

命星馳中途患病再懇

天恩俯准休致以保餘生以充

國計事本月初六日奉

聖旨司農國計所關邊疆多事需賴正急卿既抵
近畿着即速未到任料理不必遜辭該部知道
欽此

八月十九日

奏為寧遠兵變臣弟隕生有負

國恩無辭溺職謹束躬待罪恭

請罷斥以伸

國法以遂下情事本月二十二日奉

聖旨寧遠變出意外知卿至情東西交訐國計孔
急還以國事為重即出料理不必再陳該部知
道欽此

崇禎二年正月二十四日

奏為遵例自陳不職乞

賜罷免以重計典事本月二十七日奉

聖旨度支重任卿清慎練明克稱厥職宜益抒猷
率屬以裕國計不准辭吏部知道欽此

二月初一日

奏為

天恩過隆微分難安懇乞

聖明俯容辭免新銜事本月初四日奉

聖旨卿司邦計茂著猷勞加秩示酬宜即祇受不

准辭該部知道欽此

二月二十三日

奏為

國恩未報臣病已深懇乞

聖明俯准休致以延殘喘以重

國計事本月二十五日奉

聖旨卿綜國計敏練周詳拮据勤勞朕所鑒悉軍

興需餉正賴料理豈得請告勉力任事以副倚

重切勿再陳該部知道欽此

二月二十八日

奏為病困臨危痊可無日再懇

天恩速賜休致無誤

國計重務事本月三十日奉

聖旨軍儲正急豈計臣杜門乞身之日卿素急公
當即勉出骸朕憂邊籌餉之意不得再有陳請
該部知道欽此

四月十四日

奏為微臣奉職無狀乞

賜罷斥謹責以儆繇曠事本月十七日奉

聖旨錦衣放糧及布花稽遲雖云清汰未定亦繇

該管司官借口延捱前諭自明吳叔度陳賓盛
已經薄罰卿夙著勤恪不必引咎管倉各官曰
話朕自有鑒裁該部知道欽此

閏四月初五日

奏為衰病委頓鯨鱗曠堪憂三懇

天恩俯准休致以重

國計以全晚節事本月初八日奉

聖旨卿經理國計日急軍儲近方集議劑調期有
補濟何乃又申前請一意料理以副倚任慎

勿再陳該部知道欽此

閏四月二十一日

奏為微臣據事回

奏原無隱護敬剖心跡仰祈

聖鑒并

賜罷斥以明

國法以重言路事本月二十五日奉

聖旨王應芬節省銀數鄉據實具奏方大任疏論

偶及不必介意言去該部知道欽此

五月初四日

奏為微臣狗馬之病日深日憊力疾不前謹冒

罪回懇休致以遂生還以免悞

國事本月初七日奉

聖旨度支重任朕方眷倚忠猷豈但優隆體貌卿
既憂邊急餉敢當勉力籌畫何乃輒以病請著
即出視事慎勿杜門致稽部務該部知道欽此

五月初九日

奏為臣病愈危在職愈曠五懇

天恩速賜休致以無悞軍

國大計事本月十二日奉

聖旨卿精力強健偶恙易痊何遽連疏亟請大臣
急公不辭勞瘁行即勉出勿再控陳該部知道
欽此

五月十四日

奏為戀

闕徒殷沉疴難起六懇

天恩乞賜休致以免重誤

國計事本月十七日奉

聖旨卿司計勞苦朕所鑒知既奏偶恙已漸痊准
調理二三日即出理部務不必再陳該部知道
欽此

六月初九日

奏為屢疏乞骸未允人言實至堪羞七懇

天恩立賜休致以遂苦情以全晚節事本月十二

日奉

聖旨卿任事勤敏部無留務且精力健盛心思周

詳國計方切倚賴還加意料理奏內旁及之言
不必介懷該部知道欽此

崇禎三年正月二十七日

奏為司計因裨鯨官自慙謹據實投劾仰懇
聖明罷譴以無悞軍

國事本月三十日奉

聖旨卿典司國計承平亦當竭力况茲虜氛未靖
軍興旁午正須大破積習實圖幹濟何得投劾
自使該部知道欽此

三月十五日

奏為軍興黔技已窮才薄鯨官自慙謹再疏投

劾懇祈

聖明立賜譴斥以自為

宗社大計事本月十八日奉

聖旨軍興浩費司計需賢卿殫力甚勞誠心幹辦
一應兵食方賴持籌何得輒有陳請該部知道
欽此

三月二十六日

奏為骨肉沉寃未雪

慶恩覃布無方謹哀鳴下悃比例陳情仰丐
皇仁事四月初二日奉

聖旨畢自肅撫遼致變業已從輕處分卿義在辭
國不必援情代請該部知道欽此

四月十二日

奏為

聖主鴻慈愈隆微臣病軀難効軍

國至重尸素堪羞謹三懇

天恩祈

速賜禱弁以無悞封疆鉅務事本月十五日奉

聖旨徵調紛紛度支繁劇賴卿殫力幹濟前旨已
明何得又有此奏所請不允該部知道欽此

六月十二日

奏為微臣奉職無狀虜倣負罪良深懇乞
天恩俯賜譴責以申

國憲事本月十四日奉

聖旨奴孽匪茹軍精旁午卿多方轉運其見勤勞

目今邊餉孔殷分防練募正轉輸四應之時宜
益加籌畫俾飽騰奏績毋乏軍興不必引請該
部知道欽此

七月初二日

奏為臣病疇危已甚臣職曠廢堪憂四懇
天恩亟賜罷斥以無悞軍

國大計事本月初五日奉

聖旨卿清慎敏練已屢旨眷畀且邊防孔棘轉餉
維艱殫力運籌止資石畫何得引疾頻請著即

安心視事不允辭該部知道欽此

七月十七日

奏為

天恩隆重

寵渥游頌謹額

閣控辭以安愚分事本月二十日奉

聖旨軍興旁午轉給維艱卿一力拮据成勞可念
特茲加賚用示敘酌宜即祇受不必遜辭該部
知道欽此

七月二十一日

奏為

君恩至渥臣義難承謹再疏控辭以伸下悃事本
月二十四日奉

聖旨兵食事劇度支維艱稽功加叙成命已頒卿
其遵旨祇受不必屢陳該部知道欽此

八月十八日

奏為錢糧過墮

睿慮

召對倍切悚惶謹束身認罪以候

天譴以祈

慈鑒事本月二十一日奉

聖旨軍需正殿卿老成勤練還遵諭率屬稽出入
酌虛盈以佐國計不必代為引咎欽此

十一月二十一日

奏為督倉事權原重微臣節省招尤懇乞

聖明歸併專理以免紛爭以速運務事本月二十

四日奉

聖旨部臣倉臣職任國儲正當同心共辦卿加意
樽節朕所鑒悉前錢春循職條議念總為公者
即遵旨高酌合奏以期濟事不必徒務剖陳該
部知道欽此

十二月初九日

題為吏調司屬官員以全器使以襄部務事本

月十五日奉

聖旨這更調司官具見卿留心計務併雲南司擇
用歷練甲科俱依擬但乙榜亦自有才核實課

功不必盡拘資格該部知道欽此

十二月十七日

奏為覆奏不當祈

恩認罪事本月二十日奉

聖旨卿計務殷煩覆疏偶失詳確不必引咎漕運
關係甚重飭舊因新正當嚴核分別用昭勸懲
勿徇司呈漫援為例欽此

崇禎四年正月二十日

奏為歲籥更新衰庸宜退仰控

聖慈俯允乞骸別簡賢能以襄

國計事本月二十一日奉

聖旨軍儲方急計務殷煩卿等畫詳練精力正優
何得遽有引請着即出安心視事用付委任該
部知道欽此

正月二十三日

奏為微臣衰病日深兵餉拮据不前懇乞
天恩俯賜允放以無悞軍

國大計事本月二十五日奉

聖旨卿軫邊籌國素著精勤前諭已明何乃復有
陳請軍儲時刻難稽着遵旨速出料理毋得再
延該部知道欽此

二月初九日

奏為微臣衰耄滋愆循省莫贖謹再乞

恩認罪事本月十一日奉

聖旨卿總計殷繁素著勤恪咨查偶失詳覈不必
引咎還嚴飭司屬各洗心盡職以圖裕儲該部
知道欽此

三月十六日

吏部一本

題為缺官事吏部缺尚書正推閔洪學陪推畢
自嚴奉

聖旨吏部都察院俱係緊要衙門且二臣或蒞任
亦以或料理正熟都不便輕移還著另推未看
其應推堪任緣由著遵前旨具本奏明欽此

四月二十八日

奏為民生日困恒暘示儆農政不修臣罪難辭

懇

恩謹并以回

天心事五月初二日奉

聖旨軍興煩費民力殫窮卿等畫心勞朕所素鑒
不必引咎但轉輸既難常經節省尚可致贏凡
飭屬釐奸覈虛歸實職掌所關亟宜講究務使
軍民兩利緩急無虛以稱倚任之意該部知道
欽此

六月十四日

奏為衰病難支曠瘵可慮懇祈
聖恩俯准休致以重

國計事本月十七日奉

聖旨卿清勤詳練精力正優計務殷煩亟資籌畫
何乃輒有引請者即出視事毋得少延該部知
道欽此

六月十八日

奏為微臣衰病情真
國計不堪以誤再懇

天恩立賜休致以明止足事本月二十日奉

聖旨卿忠勤籌國年力方強朕所鑒悉前諭已明
何乃又有此奏着遵旨速出料理勿以陳請致
稽部務該部知道欽此

七月初九日

奏為比例陳情懇給新銜
詔命以廣

皇仁以隆孝治事本月十二日奉

聖旨該部查例具覆欽此續該吏部題覆奉

聖旨畢自嚴准給新銜誥命欵此

九月十八日

奏為再陳市賞未竟之說并述從前題覆之繇

仰祈

聖慈俯垂

鑒察事本月二十一日奉

聖旨停賞便應減發自當專疏明言如何既知復
狗直待邊鎮索餉始聊且點綴仍屬含糊這奏
內事情俟該科查明自有裁鑒邊計亦殺鄉還

加意綜理以裕軍儲該部知道欵此

九月十九日

奏為微臣罪戾多端分應束身待

命懇乞

天恩先賜解任候查明議處以肅法箴以無悞

國計事本月二十二日奉

聖旨卿司計著勞朕豈不念但錢糧積蠹專望悉
意清釐豈容沿襲疎舛屢旨責成亟宜循省擔
當何得遽行求罷還着安心供職不允辭該部

知道欽此

十月十三日

奏為臣罪日深臣病日棘再懇

天恩速賜譴斥別

簡賢能以重

國計事本月十五日奉

聖旨邊計方殷卿正當殫心料理釐弊裕儲前旨
已明還着祇遵即出視事不必復有陳請該部
知道欽此

十月十八日

奏為微臣罪病交集人言抨彈繼至謹三懇

天恩蚤賜譴斥以重邦計以存廉恥事本月二十
一日奉

聖旨前已諭卿視事何乃又有此請至讀卷事情
尤易明白豈俟剖陳軍儲正急着遵旨即出幹
理該部知道欽此

十月二十四日

奏為衰病溺職已深部務時刻難曠四懇

天恩蚤賜譴誥斥逐以無誤軍
國重計事本月二十七日奉

聖旨卿司計熟練精力正優屢旨諭旨已明着即
遵旨視事急濟邊需不必又行引請該部知道
欽此

閏十一月十二日

奏為微臣衰朽多罪人言再及懇祈
天恩蚤賜罷斥以重

國計以全晚節事本月十五日奉

聖旨計務殷煩卿才猷敏練正資幹濟何乃又有
陳請着即出安心任事吏部知道欽此

閏十一月十七日

奏為衰病不堪邦計多罪義難以留再懇
聖慈矜察立

賜罷譴事本月二十日奉

聖旨卿老成勤練邊計方殷正宜悉心籌畫以副
委何乃屢疏引請還遵旨即出視事毋得再陳
該部知道欽此

閏十一月二十四日

奏為

國計不容重誤罪臣萬難供職三懇

天恩垂憐蚤賜褫弁事本月二十七日奉

聖旨前有旨諭卿即出何乃又有此奏國計甚重

大臣當祇遵君命力圖幹濟何得以私情屢請

該部知道欽此

崇禎五年二月二十六日

奏為痰暈陡發病勢臨危懇乞

天恩給假調理事本月二十九日奉

聖旨時艱甚劇兵食方殷卿以勤練持籌屢旨自

悉正當一意急公何得輒懷弛卸着即出視事

不必請假該部知道欽此

三月初一日

奏為積疴難痊叢脞可虞報

主有心延生無計懇祈

聖明矜憐允放以無重誤

國計事本月初四日奉

聖旨前旨諭卿已明何復有此奏若時事艱虞大臣輒托疾規卸更望何人幹濟着即出視事不得再陳該部知道欽此

三月初六日

奏為臣病寔深聞

命增懼謹遵

旨力疾勉出以明公義事本月初九日奉

聖旨覽卿奏已遵旨視事具見恪慎邊計方殷還悉心詳籌節裕長策以資捷伐用付委任該部

知道欽此

四月二十日

奏為遵

旨回奏乞

恩認罪事本月二十三日奉

聖旨奏內事情知道了該司官已有旨卿部務勤

繁不必代引該部知道欽此

六月十四日

奏為微臣勿遽致誤謹據寔奏明乞

恩認罪事本月十七日奉

聖旨議處官員豈得不查履歷輕率入告明係司
官朦誤還着自行回奏卿不必代為引咎該部
知道欽此

六月二十六日

奏為再陳偶誤之因非係司官以明臣義勿欺
事本月二十九日奉

聖旨覽奏知卿記憶偶誤以後還宜詳慎不必引
咎該部知道欽此

六月二十八日

奏為州場災生意外臣部讐元難追謹席藁待
罪仰祈

聖鑒事七月初二日奉

聖旨已有旨了部務殷煩卿等提挈大綱但須飭
屬勤職不必引咎該部知道欽此

十月二十二日

奏為微臣真衰真病萬不能支懇乞

聖慈蚤賜允放以正首丘以無誤邦計事本月二

十四日奉

聖旨卿練習精勤邦計深賴軍興方亟全藉轉輸
着即出安心視事不得以病陳請致有曠誤該
部知道欽此

十月二十五日

奏為臣病轉深臣職愈曠再懇
聖慈矜放以全餘生以重

國計事本月二十七日奉

聖旨軍需正亟部務殷煩前旨諭卿已明着恪遵

四十

即出視事不得再稽該部知道欽此

十月二十九日

奏為微臣病已垂危力難再出謹忍死哀鳴以
希旦夕之生以逭瘵曠之咎事十一月初三
日奉

聖旨大臣宜以君命國事為重卿素著勤恪何得
不遵屢旨尚爾托陳着即出視事勿再稽延該
部知道欽此

十一月初四日

奏為臣病千真萬真絕無矯飾恭承
明旨督責不勝惶懼再祈

賜假調理徐圖進止事本月初六日奉

聖旨計務殷煩卿還遵屢旨速出不必請假該部

知道欽此

十一月二十八日

奏為微臣視事未幾沉疴轉劇欲去不敢言去

欲支不能強支懇乞

天恩俯賜寬假以便調理事十二月初一日奉

四十一

聖旨卿司計勤恪偶恙看暫調即出以副委任印

不必請署該部知道欽此

十二月初四日

奏為微臣病勢委頓醫藥罔功部務殷繁萬難

臥治再懇

天恩垂憐允放以無誤

國計事本月初七日奉

聖旨彊事方殷軍需正急豈計臣自遂之日卿詳

練素著精力有餘看即出恪職視事毋得頻請

崇禎十四年九月十一日禮部一本題為懇乞代請
卹典以廣脞澤以光泉壤事本月十八日奉脞旨畢
自嚴准炤例與祭九壇造墳安葬伊妻胡氏與祭一
壇祔葬欽此續

日吏部一本題請為懇乞代請卹典以廣
脞澤以光泉壤事十月十九日奉脞旨畢自嚴准贈
少保廕一子入監讀書續

十月二十一日工部一本題為懇乞代請卹典以廣
脞澤以光泉壤事計開原任太子太保戶部尚書已
故畢自嚴係一品文官例該造墳工料銀三百兩夫

匠二百名每名出銀一兩通共該銀五百兩棺木一
副十一月十二日奉脞旨是欽此續

此本自康熙壬寅人勝節起工及落燈夜方竣事
補一條續三條非敢紊成書願後人詳所以耳

孫盛鑑識

弘治再錄

二月二十四日奏為朦目萬難主計誤身更以誤國
謹灑泣三籲聖慈速賜允放事留中補

致稽部務吏部知道欽此

十二月初十日

奏為沉病難痊曠職滋懼三懇

天恩矜原放免以無誤邦計事本月十六日奉
聖旨屢旨諭卿已明何又踵請大臣宜遵君命豈
容自便身圖着即出視事不得再稟該部知道
欽此

崇禎六年二月十五日

奏為目病不痊曠職滋甚仰懇

聖恩垂憐

速賜放免以便調理以無悞

國計事本月十七日奉

聖旨邦計最重卿老成詳練方切倚任偶恙易痊
着暫調即出視事不必陳請吏部知道欽此

二月二十日

奏為目昏漸至失明臣職無容久溺謹瀝血誠

再懇

速賜允放以無悞

邦計重務事本月二十三日奉

聖旨卿勤練素著邦計正借持籌昨諭旨已明何
得以偶恙頻請着祇遵即出視事勿再稽延該
部知道欽此

二月二十五日

題為查追積逋金花請進寄庫銀兩等事三月

初六日奉

聖旨鄭友玄錢糧未完營冒考選金花銀兩至今
尚欠代輸一項題係虛捏如此蔑法行欺好生

四十三

可惡且着革了職為民科道必得正大有識人
品方可倚信為國者應如何慎重今乃串分記
營之徒朦題俸考及至不能遮掩方行一奏又
無案呈最為欺藐堂司各官俱着回將話來欽
此

三月初九日

奏為遵

旨據實回話乞

恩認罪事三月十五日奉

聖旨考選各官屢旨嚴核逋課乃鄭友玄至今缺額前疏輒稱續完旨考何辭朦朧且錢糧既經司官磨算何故獨無案呈明係預藏詭卸今又借旨支飾大臣如此欺玩小臣何所不至畢自嚴看革了職併鄭友玄都看法司提問其該府印申虛捏情繇着該撫按作速詳本據實奏未不許隱庇該司另有旨了該部知道欽此

崇禎七年二月十七日兵部一本

題為仰仗

天威三渠俘馘登土蕩平遵

旨核叙從征内外文武有功官員以昭激勸

安攘事再覆登萊叙功疏本月二十三日奉

聖旨登萊自發難以至恢復凡部科及巡按御史

等官經管任事的既經該部分別叙奏

自嚴俟事結另本奏奪張鳳翼中樞運籌加太

子少保仍加俸一級賜紵絲一表裡欽此

四月初六日刑部等衙門

題為遵

旨據實回話乞

恩認罪事本月初九日奉

聖旨鄭友玄借印申朦考茂法行欺屢旨甚明配贖未足蔽辜還着確議具奏畢自嚴顯屬獸狗本當擬罪念其衰病日深且兵部近經議叙特從寬宥仍遵前旨革職為民沈承賢等俱着站配欽此

崇禎八年三月初四日兵部一本

題為元亮授首川局已結遵

四十五

旨叙錄有功文武官員以彰勸典以勵後効事奉聖旨這三案在事各官既經確核應與叙資一視畢自嚴准復原官致仕李成名錢春曹煒各賞銀二十兩云云欽此

月 日兵部一本

題為遵

旨確核等事奉

聖旨粵東會勦山寇功次既經覆核効勞文武各官應叙資示勸張鳳翼着賞銀四十兩紵絲二

表裡畢自嚴賞銀三十兩劉崇嗣賞銀二十兩
云 欽此

崇禎九年六月十一日兵部一本

題為殺虜乘虛等事奉

聖旨這延鎮各案斬獲功級既經勘明効勞文武
各官應敘資示勅 云 熊明遇畢自嚴侯恂各
賞銀二十兩彭汝楠汪慶百錢春傅淑訓燕欽
隣周士樸各賞銀十兩康新民劉重慶各 銀
十八兩 云 欽此

四十六

崇禎十年八月二十九日兵部一本

題為兩河殺虜約日齊犯等事奉

聖旨這寧鎮四年至七年先後捷功既經覆核文
武各官 云 畢自嚴錢春各賞銀三十兩傅淑
訓崔爾進周士樸莊欽麟各賞銀二十兩康新
民劉重慶各卹銀二十兩 云 欽此

此書刻於崇禎戊寅夏是歲十二月

少保公捐賔客未及傳布嗣遭喪亂板既不存家無藏本向至
親家搜構彌年始從王甥葆赤處得此本子孫寶之勿以
借人 歲在乙未中秋後五日男際有記

司徒恩遇日記二卷終

屈指而數書刻已八十一年猶始
獲觀而謄寫誌喜亦誌幸也第時
值仲嫂垂危心慮

母前將少一人供職雖日視其而耳

常聽彼意亂裊馳手幾不克持管又急

欲以書還至遂使州後工異日

身暇心靜當另寫善本 康熙五

十七年七月廿一日孫盛鑑識



四十八

